



# ARUBA ANSE COURANT

Uw kinderen  
groeien beter met  
**DOMO MELK**  
agente:  
**Veld Stores**

Dagblad



voor Aruba

A refreshing drink  
**7-Up.....**  
agents:  
**Veld Stores**

Instala aireacondi  
cionado na Bo  
Cas AWOR!!



tel. 2170

20STE JAARGANG

DINSDAG 5 AUGUSTUS 1958

No. 3200


## Asfaltmolen Nobo Na Canashito Poni Den Uso Poco-poco Aruba ta bai pasando na traha cu asfalto "Hot Mix"

CANASHITO: — Na e garnado di piedra na Canashito — cual en realidad ta un asfaltmolen nobo a worde pone den uso pa diputado di Openbare Werken E. O. Petronia den presencia di wld. hoofd di D.O.W. senor N. Schult, hefe di „buitendienst-wegen“ di D.O.W., senor S. Zeylmaker, senor Pierre Dumontell, representante di e fabrica americano Barber-Green y senor G. van den Heuvel di Interconti, agente na Antillas pa e fabricante menciona, y algun otro hende mas.

Awor tur esaki lo no ta di masha importancia pa un gran parti di nos actores, esaki ta e impresion cu nos tambe a hanja ora cu nos a worde

avisa cu un asfaltmolen nobo a wordeponi den uso na Canashito. Pero un bishita na Canashito a convence nos de lo contrario. Aki senor Zeyl-

**BJIEUW & NOBO**



Ayer a e asfaltmolen nobo a worde pone den uso na Canashito. Foto na banda: Sistema bieuw cu tabata wrde usa te cu awor e aparato nobo a jega: den un concretera piedra y asfalto ta worde mescla, cu caretilla e mescla aki ta worde hiba den molen. Foto ariba: Momento cu diputado Petronia ta pone e aparato nobo den uso cu un ceremonia chiki. E aparato aki ta casi henteramente automatico. Nos ta mira di drechi pa robes: Seniores S. Zeylmaker, N. Schult, Pierre Dumontell, representante di e fabrica di Barber-Green na unda e aparato a worde cumpra y diputado Petronia.

maker ta mustra nos tur detalles, y nos ta hanja mira e mescla cu ta worde usa pa cubri cajanen di asfalto na nos isla. Cu dinamit nan ta bula piedra foi dje baranca na Canashito, e piedra grandinan ta worde poni den un molina (un garnado) y aki nan ta pone nan den diki desea. Segun sistema cu te awor ta worde usa e asfalt tabata worde mescla cu piedra den un concretera, y despues cu caretilla nan ta basha piedra riba dje. Cu 8 empleado nan tabata logra un capacidad di 80 yarda cubico pa dia. Cu e aparato nobo di Barber-Green nan ta logra awor 200 yarda cubico pa dia, cu tres hende pa dirigi e aparato aki.


Asfalto cajente.

Te ainda na Aruba pa camindanan ta worde usa asfalto friu (cold mix). Senor Zeylmaker ta confia nos cu

**AIR CONDITIONING**

DOW den futuro ta pensa di cambia pa asfalto cajente, (Hot mix), cual no solamente ta duna un cubierta mas cerra, pero ademá ta keda mucho mas fini y lo dura mucho mas. Ora cu nan ta cla pa cambia pa e sistema nobo di Hot mix, anto e aparato nobo cu a worde poni den uso ajera, cual ta costa f 30.000,— no ta placa benta pafor, pasobra e aparato aki facilmente por worde alterna pa e procedemento di Hot mix.

Deputado Petronia ta baha handle



di e aparato y e ta pone den funcion. Diez minuut despues e prome truck ta sali bai cu 3,7 yarda cubico di asfalto. Un gran mehoria e aparato nobo aki.

Op afbet. fl. 100,— per mnd.

MODEL K79H\_14

• 13,9 cb. ft. capaciteit  
• 108 lb. vriesruimte

## De Nieuwe **KELVINATOR**

IJSKASTEN

*zijn een openbaring*

*voor iedere huisvrouw!!*

MODEL K73H\_12

• 11,8 cb. ft. capaciteit  
• 70 Lbs. vriesruimte

Vriezer over gehele breedte van de kast. Zeer handige flessen- en eierrekken. Een moderne ijskast met alle voordelen van een technisch verdeelde koelruimte.



Op afbetaling:  
f 70,— per mnd.

5 jaar garantie op verzegelde motor

**PALAIS ROYAL  
ARUBA N.V.**

Oranjestad

San Nicolas

- AUTOMATISCHE ONTVRIEZER
- VRIEZER MET APARTE DEUR  
Geen koude verlies
- Exclusief onthijtkastje, waarin de boter niet hard wordt, eieren en kaas op de juiste temperatuur blijven
- GROENTEBAKKEN op middel hoogte
- UITNEEMBAAR FLEESREK
- ZEER PRACTISCHE FRUITAFDELING

- Revolutionnair
- PRACTISCH!!

### "BANDERA Ariba" NA "ARUBA CARIBBEAN HOTEL"

ORANJESTAD. — Awe palma ta bai den top di Aruba Caribbean Hotel na Palm Beach. Pa celebracion dje hecho aki den curso di dia lo tin loke nan ta jama un „topping-off party“ riba terreno di construcion, na unda barios invitado lo ta presente, mientras pa e cantidad mas o menos di trescient trahadornan cu ta emplea aya, e dia lo no pasa insensiblemente.

„Arubaanse Courant“ a pensa di paga extra atencion na e proyecto grandi aki, riba dia di „Bandera den top“. Riba pagina 2, 3, 4, 5, y 6 dje edicion extra aki nos lectionan por lesa y mira mas detalles tocante dje hotel cu ta den construcion, „Aruba Caribbean Hotel“, e hendenan cu ta construi, e companianan cu tin di haci cu esaki, e personanan cu a tuma e iniciativa, y plannan cu tin ainda.

### Nombramentu nobo den C.C.

ORANJESTAD. — Ayera a worde anuncia nombramentu di dos persona nobo pa Corps Consulaire na Aruba. Senor Ch. Neme a bira vice-consul di Libanon pa Aruba, mientras senor W.L. Kramer a bira vice-consul di Zweden pa Aruba.

**FATUM — Tel.: 1845**  
Pa tur bo aseguranan

Mucha chiki a sali foi cas.

### Noticia di Polis

Candela chiki

ORANJESTAD. — Den un parcel na Zuidstraat na Oranjestad tabatin un candela chiki den un fornu. Polisnan a paga esaki rapido cu koolzuurschuif.

Hanja y perde.

Diasabra a worde depona na war-

da di polis di Lago un holoshi di man color di oro. Joseph Peterson di Rooi Hundo 44 a perde 1½ tabla di Landsloterij. M. Lynn a hanja un cartera pretu abao cu contenido y deposita esaki na warda di polis na San Nicolas.

Princesa Irene a cumpli diesnuebe anja



Awe nos Familia Real cu ta pasando nan vacaciones na Riviera, na Sur di Francia, lo celebra e di 19 cumpleaños di SAR Prinses Irene. E foto aqui ta un di e ultimo fotonan saca di nos Princesa. Nos ta desea Prinses Irene hopi anja mas di un bida feliz, extendiendo nos congratulaciones na nos respetable Familia Real. (Foto NFP)

## BISHITA NA PROJECTONAN DI GOBIERNO

SERVICIO INFORMATIVO DI TERRITORIO INSULAR  
DI ARUBA

ta participa cu Diadomingo awor pa 4:or di atardi lo tin oportunidad pa Publico bishita e Planta Nobo di Awa na Balashi, e cunucu Hydroponics, i e Hotel Turistico en construcion na Palm Beach.

Tur persona interesa ta ser suplica pa inscribi nan nomber prome cu Diabierne awor na Oficina di Servicio Informativo (Voorlichtingsdienst), Telefoon 1101. Tambe sociedadnan, clubnan, etc. lo tin oportunidad di tuma parti en grupo na e excursion aki.

Gobierno lo procura pa transportacion gratis pa esnan cu no tin nan mes medio di transporte.

**Servicio Informativo di Gobierno di Aruba**

CINE  
AWENOCHI,  
5 DI AUGUSTUS

**DE VEER THEATER**

8.30'or 14 anja  
Fls. 1.50 Fls. 1.00

„THE SECOND GREATEST SEX“

cu: Jeanne Crain — George Nader — Kitty Kallen — Bert Lahr —  
Mamie van Doren — Keith Andes  
— El Verdadero sexo fuerte —

**RIALTO**

8.00'or 18 anja  
Fls. 1.25 Fls. 1.00

„LA VENUS DE FUEGO“

cu: Fernando Fernandez — Meche Barba — Victor Manuel  
Mendoza — Olga Guillot

**PRINCIPAL**

8.00'or 18 anja  
Fls. 1.25 Fls. 1.00

„THE RED SHOES“

cu: Mollie Shearer — Anton Walbrook

**AURORA**

7.30'or Tur edad  
Fls. 0.75 Fls. 0.75

„OVER-EXPOSED“

cu: Cleo Moore — Richard Crenna  
— La Descubierta —

**SAVANETA**

7.30'or Tur edad  
Fls. 0.75 Fls. 0.75

„COME NEXT SPRING“

cu: Ann Sheridan — Steve Cochran  
— Al llegar la Primavera —





**CABESANTENAN DJE HOTEL:** — Durante e accion di propaganda pa e hotel na Venezuela, e foto aki a worde saca na Hotel Tamanaco. Barlos dje cabesantenan dje Hotel di Aruba nos ta mira aki riba: Di robes pa drechi, e promotor dje hotel S.E. Ministro J. E. Yrausquin, president comisaris di N.V. Aruven; senyor G. de Veer president director di N.V. Aruven; deputado di turismo O.S. Henriquez, director di Venaruba C. A. Philip A. Mallen; senyor M. de Woskin president-director di Condado Caribbean Hotels y e architecto Morris Lapidus.

## "Aruba Caribbean" Lo Worde Explota Como Un Resort Hotel

**Eilandgebied tin hopi plan pa e desarrollo tursitico pa Aruba  
Areglo nobo pa chofernan di taxi riba man.**

ORANJESTAD: Pasobra Aruba ta ofrece poco oportunidad pa diversion, nan lo paga dobbel atencion pa esaki pa e huespednan di e hotel. Esaki hustamente ta un dje motibonan cu e hotel ta bira mas costoso di loke un hende ta pensa. Pa deporte den laman, pa e bishitantenan lo worde traha un pier specialmente y lo tin boto di motor y di bala disponible pa e bishitantenan tambe. Lo worde traha tenis baan pa e hotel, un volleyball baan, un golfcourse (cu 9 hoyo) y last but not least e piscina espléndido.

Lo worde ofrese diversion den cocktail lounge, den nightclub y den casino. Nan intencion ta pa tene show continuamente, mientras e explotantenan dje casino ta pensa di zorg pa un diversion musical y di show. E idea principal ta keda pa explota e hotel aki realmente manera un "resort hotel", esaki ta enconatidad di un hotel pa comercio unicamente. Cu otro palabra no solamente nan lo trata pa atrae cliente pa e

hotel y duna e mehor serbishi cu nan por, pero ademas nan lo trata pa duna nan tanto diversion cu ta posibel. Esaki nan ta spera di logra pa medio di organisacion di algu diferente tur anochi y cu un gerente cu un poco fantasia tin posibilidadnan di mas: baliamentu cu luna cla riba un pizo eantu di laman, moonlight parties banda dje piscina, barbecues, anochi di cine, encuentronan deportivo, demostracion di waterski, contest pa piscamentu, anochi pa bingo, musica di "Bali" den bar di Bali, y musica Arubano den Divi Divi shop. Lo por worde organisa excursion pa corra cabay te na Westpunt y hasta cada momento di dia nan por tuma un sosiego — tal vez esaki ta di mas importante pa e turistanan, pa sosesga tranquil sin ningun preocupacion, den e solo cajeante y e clima sabroso di nos isla.

Segun nos ta worde informa di bon fuente nan intencion ta pa den organisacionnan di excursionnan pa pone poco hende local, eventualmente nan ta bai como guia, durante e excursionnan y nan lo yuda den deporten di awa.

### MAS CAMINDA PA TRAFICO

Eilandgebied Aruba actualmente tin un plan pa habri mas caminda eventualmente drecha camindanan bieu. Motibo di esaki ta pa hana bon caminda cu ta bai na e plek tipiconan manera



Aki ta senyor Jon R. Camping di Taylor Co. kende foi dia 21 di Februari ta encarga cu trahamentu dje edificio di hotel.

Andicoeri, Dos Playa, Bushiribana y otro lugar manera esakinan. E plan ta segun Eilandsbegroting lo permiti esaki pa tur anja realiza un parti dje planu-caminda aki.

### Comercio y turismo

Di hopi importancia ta e parti cu e comerciantenan por yuda pa amentu turismo na Aruba rapidamente. Asina nan por haci hopi pa haci e centro di comercio mas atractivo (mas propaganda di luz, showcasenan mas mihor cuida), limpieza den negoshianan y semper busca mehor calidad di mercancía y sortido nobo tur ora. N.V. Aruven a mira esaki mes ora, y foi na principio e la cuminsa ta traha huntu cu e Union di Comerciantenan y Camara di Comercio na Aruba. Manera ta conoci tur dos e presidentenan dje organisacionnan aki ta den directiva di comision di turismo. Tanto di banda di Camara di Comercio

### Air Condition your home

como di Union di Comerciantenan tin masha hopi interes pa traha huntu pa haci turismo progresar, y nan co-operacion huntu cu eilandsbestuur tambe ta perfecto, segun nos ta worde aegura.

**Plan pa destinacion**  
Eilandgebied tin un plan cu nan ta jama plan pa destinacion pa henter e costa di Westpunt te na Eagle. Intencion dje plan pa destinacion aki ta pa desarrollo turistico na Palm Beach y Veendario pa por controla esaki bon, asina cu afin tur e beach aki lo por haci un hunita impresion. Den e mes un plan di destinacion aki tin un centro pa comercio, interesadnan pa un negoshi den e "sector di hotel" seguramente lo por worde considera cu hopi atencion.

**Taxi's**  
Pa motibo di reclamonan di tarificanan di taxi, tanto pa e chofernan mes como pa e clientenan cu ta usa e taxinan tin un comision special cu a worde forma pa gezaghebber mes, intencion pa trata pa jega na un acuerdo comun cu representante dje bond di chofernan di taxi. Pronto lo por worde spera un reglamento nobo y razonable tocante tarificanan di taxi. Di loke nos ta worde informa di banda di e chofernan tin bon entendimiento y cooperacion. Den e tereno aki ta worde haci hopi bon trabao door di Teeristenbureau.

**Reservacion di hotel.**  
Di awor caba Condado ta acepta reservacion di lugar pa clientenan dje hotel.

Asina como 40 doktornan a laga pone nan nomber di awor pa principio

di Januari, mientras lo tin un convencion durante luna di April cu ta den preparacion. Na fia pa jega asina leuw pa hana un reservacion tanto favorable posibel. Condado a haci coneccion cu un compania Americana masha grandi, kende ta especialista pa stimula reservacion pa hotelnan. Ademas Condado tin su mes sales-department, entre otro lugar trahando na Venezuela.

Ademas nan a haci coneccion cu un compania "Publicidad Ars" cual ta trahando huntu cu "Viajes Venezuela" y teeristenbureau di Antillas Neerlandes aja. Tambe pa publicidad pa Aruba Caribbean na Venezuela y Estados Unidos. Condado haci coneccion cu e firma di gran fama Harris & Co.

Compania di KLM pa tempo cu e hotel ta sera di habri lo pone anuncio special y bunita na Merca tocante e hotel aki na Aruba y senyor Arthur Godfrey, un dje comentarista mas popular riba tereno di T.V. na Merca a tuma e encargo di haci campagna di propaganda pa Aruba. Afin senyor Henk Meyer, e humber special pa relacion publico di Eilandgebied Aruba na Estados Unidos lo yuda tanto cu e por di su parti.

E gran campagna di anuncio na Estados Unidos y Venezuela pronto lo start. E accion ta reparti den dos fase: Pa di prome publico ta worde haci intimo cu nos isla. Pa mayoria hende ayni e isla di Aruba ta desco-

noci y despues nan ta pone e accion riba e specialidadnan dje hotel turistico di Aruba y su atraccionnan.

### Package tours.

Ademas di KLM mas contacto a worde haci cu otro agencianan di bapor y di otro compania di avion. Un di nan caba ta e promesa di "Maasdam" di Holland Amerika Lijn, un bapor di turista enorme grandi cu lo trese pasaheronan di placer pa Caribe, cual bapor ta worde spera na Aruba durante luna di Februari di '59.

Huntu cu cooperacion di KLM package tours lo worde organisa, no solamente di un Condado-hotel pa otro pero tambe pa otro lugarnan, por ehemplo pa Corsow, ken sabi te hasta pa Bonaire. No ta por nada KLM tin intencion di bai cuminsa cu e anuncio na Estados Unidos cu: "Visiting the Caribbean? Don't go the whole alphabet. ... JUST TAKE A. B. & C." (Aruba, Bonaire y Cuorsow). No mester lubida cu e turista Americano cu ta bini di lugarnan leuw manera New York, Milwaukee of Kansas City tambe lo kier probahe dje oportunidad pa ademas di bishita Aruba, mira Corsow tambe, Bonaire y posibel Caracas.

Un cooperacion entre Venezuela y Islanan Abao seguramente lo trese mas provecho. Huntu nan ta forma un package special, na unda Aruba lo hunga e papel excepcional di RESORT (loke kier meen: sosesga na Beach).

## Divi Divi Y Piedranan Di Ayo Lo Decora E Jardin Di Aruba Caribbean

**Pensioen di Kemmink a worde aplaza pa jardin di hotel.**

ORANJESTAD: — Pa interior y exterior Aruba Caribbean Hotel ta worde hasi tanto posibel pa hana un caracter tipico Arubano. Pa tal motibo e color dje hotel lo ta den mes un tintanan fini, manera nos ta custumbra di mira na e casitanan den cunucu: Creme, cora, y blauw ta e colornan cu lo worde usa pa e hotel. Tambe e jardin rond dje hotel ta hana un decoracion tipico Arubano. Dianta na e entrada y patras banda dje piscina lo worde traha "rotspartijen", completo cu barancanan di granito di Piedra Plat y di Ayo. Tambe matanan di Aruba manera Divi-Divi y Flamboyant lo worde planta den jardin aji.

Como pa Aruba cama di yerba ta sali asina costoso, nan ta decora e jardin tanto posibel cu matanan y baranca. Toch lo tin algun plachi planta cu yerba cu un pida terreno pa hunga golf naturalmente. E yerba y matanan lo worde muha cu e awa di afval dje hotel, pa esaki lo worde construi un tanki antiseptico, na unda e awa di afval ta worde sterilisa cemicamente, y irrigacion automatico lo worde pasa na e matanan y yerbanan.

E jardin a worde proyecta pa senyor Fred Stressau, kende ta un experto den e ramo aki, e la traha pa masha hopi hotel grandi caba. E la bishita Aruba varios biaha y un dje resultadonan di su bishita ta, cu senyor H. Kemmink, hefe di Plantsoenen-dienst di DOW, un "doctor" den jardineria, a coopera di aplaza su pensioen algun luna mas (cual mester a bira un hecho den dia nan aki) pa dedica su mes na preparacionnan pa e

### HOTEL DEN CIFRAS

Oranjestad: — Pa construcion dje hotel entre otro mester di: 50.000 sacos di cement, 550.000 kilo di hero pa concreto, 3.000.000 blok di hero pa construcion, 8.000 yarda cubico di beton y 6000 yarda cubico di santu. Altura dje hotel 35 meter haltu, e ta cubri un total di 3.600 meter cuadra (e tereno di hotel completo ta bira 59.000 meter cuadra). E tipo dje edificio ta bira mas o menos manera un letter "L". Den ca, da direccion su largura ta mas o menos 98 meter. Largura dje beach privado ta 107 meter.

### Jardin dje hotel!

Pa un gran parti e jardin lo ta cla, pa luna di December ora cu e hotel lo worde inaugura, wel mester bisa cu ora ta mira e jardin mester considera cu su belleza lo aumenta mas despues di algun anja. Hopi mata y flor lo worde planta den e jardin aki, awor no mester spera tampoco cu e mata nan aki directamente lo por duna nan splendor asina cu nan caba di planta nan, naturalmente esaki ta tuma su tempo tambe.



Mientras cu Diasabra ainda nan ta bashando concreto riba dak, paden dje hotel tin cuadrillanan trahando cu instalacion di awa caba y instalacion electrico. Riba e foto nos ta mira di robes pa drechi: Inocencio Schönherr, senyor T. Alexander (di London), un experto den tuberia den servicio di Taylor y Isaak Geerman.

WE ARE PROUD TO CONSTRUCT THE

## ARUBA CARIBBEAN HOTEL



TAYLOR WEST INDIES CONSTRUCTION CORP.

## ARUBA CARIBBEAN HOTEL

ta usa nos calidadnan di:

- ◆ MOSAICOS PA MURAYA
- ◆ BLOKKI DI BETON

E mosaicosnan aki lo wordu instalá door di nos.

**Fa. PETRONA & CROES**

Dakota — Tel. 1712


All

## Glass, Mirrors and Metal

Furnished by

**Tropical Glass & Mirror Company Inc.**

of Florida





# Condado Caribbean Hotels Inc. Tin Huurcontract Pa 15 Anja

## No Aruven Pero Condado Ta Bai Carga E Risiko Di Explotacion

ORANJESTAD: — Condado Caribbean Hotels Inc., ta un compania di hotel, cu masha hopi anja trahando, special den Caribe. E compania aki, cu ta specializa cu explotacion di hotel, por ejemplo na Puerto Rico ta maneha e hotel distinguido Condado Beach Hotel, tambe e hotel di International Airport na San Juan, y ta propiedad di Gobierno, y un hotel den cerro „Baranquitas. Na Havana, Cuba, nan ta maneha Sevilla Biltmore Hotel y actualmente nan ta tratando cu bai explota e hotel na Montego Bay, Jamaica. Ademas e mes un grupo aki ta donjo di varios hotel na Estados Unidos, entre otro, Lake Shore Drive Hotel y e Executive House na Chicago.

E compania di hotel Condado, cual for anja 1945 ta trahando na Puerto Rico, den Caribe ya tin un experiencia formal, specialmente den loke nan ta jama e resort-hotels.

President-director di Condado Caribbean Hotels Inc. ta senior Morris de Woskin di Chicago. Varios biaha tabata na Aruba, tambe secretario-general dje compania senior Carl Devoe. Ademas nos a mira varios biaha na Aruba senior A. Rubens, executive vice-president, kende specialmenten tabatin e encargo pa preparacionnan pa explotacion na nos isla. Senior Rubens ta hefe dje oficina na Miami.

Un specialidad sympatico ta, cu Condado Caribbean Hotels Inc., di su mes boluntad a compra fl. 100.000.— di accion di Aruven na Aruba. Segun nos ta hopi confianza cu e hotel aki lo mester ta un exito!

### Convenio Aruven-Condado

Aruba Caribbean Hotel ta propiedad di N.V. Aruven. Direccion dje Sociedad Anonima aki actualmente ta consisti di siguiente personanan: president-director, G. de Veer, director Oscar S. Henriquez y Ph. A. Mallen, cual ultimo ta representante di Venaruba C.A., e sociedad di Venezuela, cu ta un accionista di Aruven, President-comisario di

Aruven ta senior J. E. Yrausquin, comisario na Clinton H. Whitfield, H. J. Brucker, kende ta un experto den asunto di financia na Caracas, y un representante mas cu lo worde nombra ainda pa Curacao Bank Secretario General di N.V. ta senior Michael S. Kuiperi.

E compania di condado hotel a jega na un acuerdo cu N.V. Aruven pa un huurcontract di 15 anja. E arreglo financiero di ambos ta cu Condado Caribbean Hotels Inc. (C.C.H.) mester paga Aruven dos tercio dje ganashi anual. Si durante cierto anja no tabatin ganashi, e perdida ta keda pa cuenta di C.C.H.; mientras cu Condado ademas mester paga Aruven un recompensa cu ta iguala na e suma di depreciacion total dje edificio durante e anja ayi, mas e depreciacion di henter e inventario durante e anja ayi, mas 4% riba e prestamo di fl. 100.000.— y tambe e premionan di aseguracion pa e edificio y inventario. E riesgo pa N.V. Aruven, y pues pa e mes un accionistanan, door dje acuerdo aki ta keda minimo. Naturalmente ta Condado mes mester zorg pa capital pa explotacion dje hotel y casino.

### Ganashi cu nan ta spera

Tocante e prome anja di explotacion nan no tin speranza cu lo tin ganashi ainda. Wel nan ta spera cu durante e di dos anja e hotel lo cuminsa produci ganashi, y cu e ganashi aki por lo menos lo ta 10% dje capital inverti sin conta cu ganashi dje casino. Un estudio tocante ganashi cu un casino lo produci den Caribe ta indica, cu e porcentage di ganashi ta varia entre tres te diez bes mas cu e ganashi cu ta worde saca for dje hotel.

### Aruven no solamente pa Aruba Caribbean

E kapital di accionnan di Aruven Sociedad Anonima na fabor di Aruba Caribbean ta monta fl. 4.000.000.— E kapital social sin embargo ta suma cinco miljoen. E diferencia dje miljoen Aruven ta tene reserva, pasobra segun Estatuto cu e sociedad anonima tambe por tin parti cu capital den otro proyectonan di hotel. Si directiva di Aruven despues tambe lo kier tumar parti den otro proyectonan di hotel, anto semper nan lo tin un miljoen disponible y estatutonan no tin mester di worde cambia, local tabata necesario, si henter e capital social a worde hinca den Aruba Caribbean Hotel.

Dje suma fl. 4.000.000.— mencionada, actualmente fl. 3.525.000.— ta deposita. E suma pendiente di fl. 475.000.— sin embargo, manera ta comoci, ta garantisa pa Eilandgebied Aruba. Eilandgebied mes a enscribi pa un parti di fl. 2.500.000.— Venaruba C.A. a inscribi pa fl. 768.000.—, particularnan di Antillas pa un total di fl. 150.000.— y particularnan fuera di Antillas pa un suma di fl. 100.000.—.

Dje 2½ miljoen di Eilandgebied un miljoen ta worde saca na e prestamo di dollar di Gobierno Neerlandes (manera nan ta bisa „e Neerlandse lening“). Mei miljoen tabata reserva caba pa trahamentu di hotel na Aruba, mientras e restante cinco ton originalmente intencionan pa organizacion dje „vrije havenzone“ na Aruba, pero durante Eilandsraadsvergadering di 3 di Februari dje anja aki cu aprobacion di Centrale Regering tambe a worde pone disponibel pa e hotel.

Hotel ta costa fl. 8,5 miljoen  
Tur instalacionnan mecanico y tur



Esaki tabata e prome ceremonia riba e terreno di hotel: S. E. Gobernador A. B. Spreekensbrink ta manipula e prome shobbel. Algun siman despues bulldozerman di Taylor construcion a bini continua e trabao cu gobernador a principia.

## Carrier draagt bij tot het comfort van de hotelgasten

Airconditioning—en  
koelinstallaties worden  
verzorgd door :

# Gebr. van Swaay




Aki ta e momento cu e contrato ta worde firma entre N. V. Aruven y Taylor West Indies Construction Co. den bestuurskantoor na Oranjestad. Tabata presente di robey pa drechi: Senior G. de Veer, president-director di N.V. Aruven, senior L. Kornblath di architecten bureau Morris Lapidus, Mr. H. Schrage jurista di nos isla, senior M. M. Mason president-director di Taylor y senior Oscar S. Henriquez, director di N. V. Aruven, alavez deputado di toerismo.

e organisacion inclusivo, e Aruba Caribbean Hotel segun valuacion lo costa fl. 8.500.000.— E kapital na accionnan ta manera nos a menciona ariba caba fl. 4.000.000.— E restante fl. 4.500.000.— lo worde financia door di prestamonan, cual pago di capital y interes ta worde garantisa pa Eilandgebied. Como tur e prestamonan aki a worde cerra caba, financieramente e hotel ta completamente asegura. Durante Eilandsraadsvergadering di 3 di Februari dje anja aki a worde anuncia siguiente prestamonan:

- a) f 2.000.000.— cu interes maximal di 5%, pa paga di mas tarda durante 20 anja;
- b) f 500.000.— cu interes maximal di 5%, pa paga di mas tarda durante 11 anja, cuminsa despues di cinco anja;
- c) f 1.000.000.— cu un interes maximal di 5%, pa paga di mas tarda durante cinco anja, cuminsa despues di 2 anja;
- d) f 640.000.— cu un interes maximal di 6%, pa paga di mas tarda durante 5 anja, cuminsa despues di dos anja.

„Algemeen Pensioenfonds“ di Antillas Neerlandes, manera ta comoci durante e ultimo Eilandsraadsvergadering di 28 di Juli, a duna prestamo di un suma di dos miljoen.



Manera muskietu pega den un tela di aranja y tres obreronan aki ta den e stellashinan, na unda pronto e prome piso dje hotel lo worde basha di concreto. Ora una ves esaki ta cla, e stellashinan ta worde kita y pone ariba e siguiente piso y asina e ta sigui consecutivamente.

## Inauguracion dje Hotel lo dura un Siman Largu

### GROUPIERS LOCAL DEN CASINO

ORANJESTAD. — Den un articulo den e mes un edicion aki nos a menciona caba, con nan ta spera cu e casino lo produci 30 te 100% di ganashi. Awor nos pregunta na e senjores G. de Veer y O. S. Henriquez, respect. president-director y director di e N.V. Aruven ta; si e casino lo worde habri despues dje hotel, nan ta contesta nos cu esaki no ta e intencion y probablemente lo no tuma lugar asina.

E edificio dje hotel na fin di December dje anja aki mester worde entrega pa Taylor, y nan ta trata pa tin e organisa (nan ta spera e meublenan na fin di October). Si tur cos bal bon, e inauguracion oficial lo tuma lugar den siman di navidad. Esaki lo ta un inauguracion enorme grandi. Como tin tantu invitadonan di honor, durante un siman lo worde organisa anochinan special: Por ehemplo un anochi pa hendenan cu tin accion den e hotel, un biaha pa autoridadnan di gobierno, otro anochi pa hendenan di importancia den negoshi di toerista di Venezuela, des-

pues pa e prominentenan di publicacion y di bida di toerista na Estados Unidos etc. Den conexcion cu e fiesta nan aki lo haci contacto cu orquestanan grandi y artistanan di gran fama.

Volviendo riba e asunto di casino, cual ta bira masha lujo cu un tamajo di 350 m2 y cu ta keda riba e prome piso pa parti Sur dje upper-lobby entre cocktail lounge („Bali Bar“) y e comedor grandi, den e casino aki tur e weganan cu ta worde permiti den Caribe lo por worde practica. E croupiersnan lo ta hende local. Nan lo ricibi instruccion di hendenan di Estados Unidos. E casino cual posibel lo worde arrenda, continuamente lo ta bao di control di autoridadnan di polis, kende lo percura, cu na e bon nomber y fama di Aruba lo no worde haci ningun danjo, ni na e bon nomber y fama dje Casino mes y Aruba Caribbean Hotel.

Ciudadanonan di Antillas Neerlandes, segun ultimo arreglo tocante jugonnan di azar, lo por bishita e casino, mientras cu nan ta worde introduci pa un dje huespednan dje hotel.

## Ook de elektrische installatie wordt aangelegd

door **Gebr. van Swaay**

## Aruba Trading Company

Entregando mayor parte  
de los materiales para el

## Aruba Caribbean Hotel

COMO

Sus materiales son de mejor calidad  
Sus precios mas bajos  
Sus entregos mas rapidos

Cemento „ALSEN“-PORTLAND es mas fuerte  
Tubos de Asbestos „ETERNIT“ mas  
resistente y duradero

MADERA-WOLMANIZADA „DANTZLER“  
preservado contra insectos y humedad

PARA MEJOR RESULTADO SIEMPRE ACUDE A LA

## Aruba Trading Company

Oranjestad-Tel: 1638-1931

San Nicolas-Tel:5122-5123



# Construccion di hotel ta Taylor su especialidad

## Barrata pa motibo di eficiencia

ORANJESTAD: — Taylor Construction Co., kende tin su oficina impresio-  
nante den 2875 Northwest Le Jeune Road, Miami, Florida, y di eal filial Taylor  
West Indies Construction Corp. actualmente a hama su tentnan na Palm Beach  
di Aruba pa suca un „papa“ di un hotel di turista foi den suela, — e Taylor aki  
por construi tur cos y a construi tur clase di edificio caba. Senor M. M. Mason,  
kende foi 1942 ta donjo y presidente dje empresa cu ta existi 20 anja caba, a  
construi cu su hendenan, stadion, synagoge, hotel, brug, teatro hopi otro  
edificio mas, y tur den formaat nan grandi. Ademas di construccion nan tin  
un departamento special pa stabilisacion di tera trabaonan di concreto bao  
di awa, reforsamentu di fundeshi, sanblast y mas dje clase di trabaonan aki.  
Ciertu, Taylor ta capaz pa tur e trabaonan aki!

Binti anja pasa Taylor a nace. E em-  
presa cu na principio mester a lucha  
masha hopi pa tene su cabez riba awa.  
Actualmente e empresa aki ta es un di  
mas grandi den Zuidosten di Estados  
Unidos y gran parti di lugarnan den  
Caribe. Cu e por a jega asina leu ta  
di gradici esaki na su especialidadnan,  
su bista comercial scerpi, su seguridad  
y lucha sin fin di senor Mason y su  
hendenan. Na Taylor e puesto haltunan  
ta worde ocupa pa senjores T. Lotter-  
man, kende ta vice-presidente foi anja  
1942, Harry Knox, tambe un vice-  
presidente dje compania, D. H. Reynolds,  
vice-presidente di Taylor Caribbean  
Construction Corp. y Charles R. Martin,  
vice-president di Taylor West Indies  
Construction Corp. Esakinan ta e homber-  
nan cu a hasi e empresa aki loke e ta  
awor. Nan a forma den e empresa aki  
departamentonan di ingeniero, di re-  
search, di equiponan y di safety educa-  
tion, semper cooperando hunto, pa con-  
strui trabaonan cu Taylor a contrata  
pa terminanan mas economico cu ta po-  
sibel, y nan ta zorg pa tur enventonan  
nobo den ramo di construccion y me-  
thodo nan di construccion moderno cu  
ta nifica mehoranza pa e empresa ta  
worde utilisa. Taylor ta trahando cu su  
mes equiponan y aparatonan, y nan mes  
ta ta repara nan mayormente. Tur es-  
aki ta factornan cu ta contribui cu por  
traha mas eficiente y mas economico,  
y cu Taylor por ofrece prijsnan pa tra-  
baonan cu ta difcil pa tin concurrencia.  
Esaki ta motibo cu Taylor a hanja tanto  
trabao grandi asina, y te e motibo cu  
Fontainebleau Hotel na Miami Beach,  
un edificio enorme, a worde construi  
den 345 dia — di prome shobbel te dia  
cu nan a cuminsa ucele — segun con-  
venio. Si nan sistema di trabao no wor-  
de interumpi pa motibonan inespera,  
Taylor semper ta traha na tempo, por  
bisa riba minuut correctu. „Sans Souci“,  
otro hotel, di tamjanjo formal, a worde  
traha den 174 dia; pakiko nos mester  
duda cu Aruba Caribbean Hotel lo no  
bini cla na tempo?

### Hustamente hotelnan

Pasobra construccion di hotel ta e  
specialidad di Taylor. Ta den e ramo  
aki, architectonan ora cu nan ta traha  
plano, cada minuut ta corre jega serca  
Taylor pa descuti detallenan: Taylor ta  
un autoridad den e ramo aki. Nos lo  
menciona algun dje hotelnan cu a wor-  
de construi pa Taylor: Deauville Hotel,  
Fontainebleau, Saxony Hotel, Monte  
Carlo Hotel, Nautilus Hotel, Eden Rock,




Aki nos ta mira a architecto di Aruba  
Caribbean Hotel, senor Morris Lapidus.

Algiers Hotel, Baltimore Terrace Hotel,  
Sterling Hotel, Queen Elisabeth Apart-  
ments, Palm Beach Towers (hotel), tur  
na Miami Beach; Hollywood Beach Ho-  
tel na Hollywood, e mayestoso Ame-  
ricana Hotel na Bal Harbour, Florida.  
Tropicana y Riviera Hotel na Las Ve-  
gas, Hotel del Lago na Maracaibo, Gol-  
den Gate Hotel na Golden Beach, Flo-  
rida, Casa Montego Hotel na Montego  
Bay, Jamaica, San Juan Intercontinen-  
tal y la Concha Hotel na San Juan,  
Puerto Rico, cual ultimo hotel ainda ta  
den construccion y cual tin un nightclub  
casino di un construccion masha revo-  
lucionario.

Tur esaki tocante hotelnan. Di otro  
trabaonan nos por menciona: Mount  
Sinai Hospital na Miami Beach, Miami  
Stadium na Miami, Synagoge Temple  
Emanuel na Miami Beach, Citizens Na-  
tional Bank na Beverly Hills, Florida,  
Roosevelt Teater & Office Building na  
Miami, projectionan di cas, manera Brak-  
keput, den parti Sur di Estados Unidos.  
Asina cu Aruba Caribbean Hotel se-  
guramente ta den bon man!

# ARUBA MERECE BO CONFIANZA!!



## Bandera ta ariba...

E trabao ta sigui mas rapido ainda  
Dentro di algun luna e inauguracion grandioso lo  
tuma lugar y Aruba ta cla pa ricibi Touristanan  
un era nobo a cuminsa

## Percura pa bo tambe ta participa

### Ainda tin Shares obtenibel

**Serie C — Shares di Fls. 1000,—**

(50% cash, resto den 5 luna)

**Serie D — Shares di Fls. 500,—**

(50% cash, resto den 5 luna)

### Shares Still obtainable

**Serie C — Shares for Fls. 1000—**

(50% cash, balance in 5 months)

**Serie D — Shares for Fls. 500—**

(50% cash, balance in 5 months)

Pidi mas informacion cerca

# ARUVEN N.V.

P.O. BOX 59 — ORANJESTAD — TEL. 1326



E PRINCIPIO:— Durante luna di Januari 1957 den vecindario di Palm  
Beach Club y Basi Ruti entre e palmanan ta reis un aparato chiki di bora  
cual ta worde poni ayi pa un compania Americano Dames & Moore. Inten-  
cion: Pa determina e e terreno na unda e hotel lo worde construi. Aki e  
e prome boor ta dreña tera.

## Na Principio Tur Puestonan Den Aruba Caribbean Hotel Ta Pa Jiu Di Terra

### Politico y job ta keda separa comple- tamente na e hotel

ORANJESTAD: — Nos tabata asina  
fortunado di por a logra un entrevista  
cu senor G. de Veer, president-director  
di Aruven Sociedad Anonima y senor  
Oscar S. Henriquez, un dje directornan  
dje Sociedad Anonima y durante nos  
conversacion nos a worde pone na altu-  
ra dje problema di tumamentu di per-  
sonal.

Segun nos ta worde informa, cu un  
Conadado Caribbean Hotels Inc. (C.C.H.)  
tocante tumamentu di personal tin e  
mes un leynan cu cualkier otro negoshi  
na Antillas Neerlandes, esaki kier men  
cu pa tumamentu di personal foi An-  
tillas mester di permit di Gezagshebber,  
despues cu nan ta hanja aviso di de-  
partamento di Sociale & Economische  
Zaken. Conadado a priminti Eilandsbe-  
stuur y Aruven pa tanto posibel tumar  
hende di Antillas pa trabaonan, na prin-  
cipio tur e puestonan ta habri pa tra-  
hadornan local. Ora cu ta resulta cu  
pa cierto puesto no tin tal hende cu

tal capacidad, nan lo pensa pa busca  
hende foi exterior, pero ainda semper  
riba un convenio temporal.

Pa tempo cu hotel ta worde inau-  
gura ja lo tin trinta hoben Arubano  
entre e sirvientenan — cual ja lo tin  
un training na un dje C.C.H. hotelnan  
na Puerto Rico — esaki tambe tabata  
un proposicion di Eilandsbestuur, na  
unda nan lo hanja un training durante  
seis luna. Tambe henter e grupo di sir-  
vientenan lo worde forma door di muchi-  
mohernan di Aruba mes. Por lo de mas  
na principio e porcentahe di personal  
foi extranheria lo ta basta haltu. No tin  
otro manera, pasobra prome cu tur cos  
mester zorg pa e servicio ta perfecto  
Intencion ta wel, pa durante tempo cu  
aspirantenan local ta bai sinjando poco  
poco, segun nan ta hanjando experien-  
cia, e „extranheronan“ lo ta bai desapa-  
reciendo.

Segun nos ta worde informa ainda nan  
no sa ta kende ta bira e gerente dje ho-

tel, ni tampoco nan no por duna ningun  
idea kende por ta un dje posibel can-  
didatonan. Decision tocante esaki lo cayi  
masha pronto si.

### Taylor.

Na construccion dje hotel actualmen-  
te segun ta worde calcula tin 350 per-  
sona na trabao. Cu algun excepcion tur  
ta Antillano. Ocho Americano tin e  
puestonan mas haltu. Tambe tabata ne-  
cesario pa motibo di algun trabaonan  
special pa a emplea no-Antillano cu ta  
biba na Aruba, pero esaki semper a  
bai cu aprobacion di departamento di  
Sociale & Economische Zaken. Ora di  
tuma hende pa trabao Taylor semper ta  
hasi esaki den cooperacion cu e depar-  
tamento menciona aki.

Si na cierto momento por ejemplo  
Taylor tin mester di mas hende, nan lo  
pasa na Sociale Zaken prome y ta ave-  
figua si aja tin hende cu nan por usa  
pa nan trabao. Pero tambe Taylor ta  
liber pa tuma hende cu e kler, por ejem-  
plo hendenan cu di nan mes ta bai bus-  
ca trabao na su oficina directamente  
na Palm Beach. E trahadornan aki uni-  
camente mester bini cu nan boeki di

trabao cu Sociale Zaken a duna nan.

Rumores cu Taylor ta obliga na tuma  
hendenan cu Sociale Zaken ta pushe cu  
ne no ta cierto, esaki senjores Hen-  
riquez y De Veer ta segura nos. Mesos  
cu cualkier particular ta keda liber di  
tuma na trabao esnan cu nan ta prefe-  
ra; contal cu e te keda den reglamen-  
tonan legal, mesos Taylor tambe. Asi-  
na e acuerdo tabata, mesos e ta te  
aunda.

### Nos ta ingenue

Riba nos pregunta, si esnan cu ta  
sympatiza cu e gobierno di actual tin  
privilegio di hanja trabao na e proyecto  
aki, senor Henriquez ta bisa pa dos  
motibo ta ingenue: „Pa di prome“, se-  
gun senor Henriquez, Taylor lo no tin  
interes den clase di proteccion aki. Pues  
e tin un contract pa un „suma fijo“, y  
lo hasi tur posibel pa traha mas econo-  
mico, asina cu obreronan ta worde acep-  
ta pa nan capacidad y nan eficiencia.  
„Pa di dos“ Lo bo pensa, si esaki (lo  
por) tabata asina, loke bo ta puntra, lo  
esaki lo a worde declara riba un pre-  
gunta di? Senor Henriquez ta sigui:  
„Asina leu cu N.V. Aruven ta conosi,  
trahadornan ta worde juga pa nan ca-  
pacidad. Bo pregunta seguramente ta pa  
motibo di algun rumores cu a jega na  
nos ora tambe, cu Kellogg, cu ta tra-  
hando den Lago, ta duna preferencia na  
sympatizadornan dje partidonan di opo-  
sicion, y cu esaki ta worde impulsa pa  
tres persona, tur tres miembronan acti-  
vo dje partidonan di oposicion. Nos ta  
convenido cu tal rumores tampoco no  
ta berdadi.“

### Uniform di Lapidus

ORANJESTAD. — Cu e ofi-  
cina di architecto di Morris Lapidus  
sa con ta proyecta un hotel, hende-  
nan na Aruba pues a caminsa  
comprende. Pero bo sa, cu e uni-  
formnan cu e personal di e Aruba  
Caribbean Hotel tambe ta worde  
planea den mes un oficina ayi?

Pa e departamento aki nan tin  
„interior designers“, expertonan cu  
tin di percira pa tur cos interior  
dje hotelnan cu Morris Lapidus  
proyecta tin harmonia cu otro. Nan  
ta percira pa e lampekup dje  
schemerlamp su color ta bai cu e  
mesa cu e ta poni riba dje, cu  
esaki ta bai bon cu e color di cor-  
tina y cu e ta pas cu e tapiz.

Y asina nan a planea caba e u-  
niform cu e sirbientes y sirbientas  
nan lo usa, nada lo worde permi-  
ti pa cavi foi smaak. E schetsman  
aunda no a worde ricibi pa N.V.  
Aruven, pero senjores di Aruven  
na Jamaica den un hotel a mira  
con e camareranan a keda den nan  
uniforme bunita di panja di Ja-  
maica tambe segun disenjo di se-  
nor Morris, y nan no tin miedo cu  
e camareranan di Aruba Carib-  
bean lo no cayi na smaak.



Aki nos a mira S.A.R. Princesa Beatrix hunto cu deputado Henriquez admirando e  
maquette dje hotel, durante su bishita na nos isla na luna di Januari dje anja aki